



Info SECURITAS

Info Securitas je naš najdirektniji put prijenosa informacija od Uprave preduzeća do svih naših uposlenika. Želimo ga iskoristiti da vam se prije svega zahvalimo na požrtvovanom angažmanu i radu bez propusta u proteklom periodu. Pohvale koje stižu od naših klijenata su najbolji dokaz vaše profesionalnosti.

Drage kolege,

iako smo suočeni sa pandemijom globalnih razmjera, koja u velikoj mjeri utiče na način života i poslovanja u BiH, zahvaljujući trudu, zalaganju i profesionalnosti svih vas, uspjevamo da svoje ugovorne obaveze realizujemo na vrijeme i bez velikih propusta.

Siguran sam da ste svjesni ozbiljnosti situacije, ali osjećam potrebu da vas još jednom podsjetim na izuzetnu važnost poštivanja svih mjera koje su propisane u cilju zaštite od širenja virusa Covid 19. Na žalost, rast oboljelih u cijeloj BiH je dokaz da dio stanovništva ne shvata ozbiljnost situacije. Broj potvrđenih zaraženih među našim uposlenima nije alarmantan, ali nije ni zanemarljiv. Činjenica je da je većina kolega koji su imali pozitivan test na Covid virus izložena van radnog mjesta. Zaključujemo da na svojim pozicijama uposleni poštuju pravilo distance, nošenja maske i redovno pranje ruku. Naš zadatak je da i među svojim najdražima i u slobodno vrijeme budemo oprezni jer vaše zdravlje je najvažnije.

Od presudnog značaja je da na svojim radnim mjestima imate svu potrebnu zaštitu: maske, sredstva za dezinfekciju, ali i neohodne informacije. Smatram da je jako važno da imate dobru komunikaciju sa svojim pretpostavljenim - vođama tima i branch managerima. Moj plan za 2020. godinu je bio da posjetim sve kolege na njihovim pozicijama fizičke zaštite u cijeloj BiH. Nažalost, zbog pandemijske krize bio sam primoran odustati od tog plana. Umjesto toga, koristim ovaj put da vas upoznam sa mojim stavom da je svaki uposlenik jednako važan za uspjeh preduzeća i da mora biti cijenjen dio tima. Važno je da nam se obratite ukoliko smatrate da vam nedostaje neka vrsta podrške od neposrednog rukovodstva ili administracije. Možete mi slobodno pisati na e-mail edin.hukic@securitas.ba ili ako je potrebno hitno djelovati, pozovite me na broj telefona **061 213 694**. Također, ukoliko imate neki prijedlog, ideju za poboljšanje ili želite da vam nešto pojasnimo, tu sam da vas saslušam i da zajedno unaprijedimo naš Securitas.

Još jednom želim da vam se zahvalim za vaš rad i ozbiljnost sa kojom ste svi dočekali ovu situaciju. Želim vam puno zdravlja, dobrog imuniteta i strpljenja da ovo zajedno i što prije prebrodimo.

Edin Hukić, direktor Securitas BH

